



Komunikado di prensa nr. 2020-001

Reakshon riba komunikado di prensa di VBC

No tin devaluashon

WILLEMSTAD/PHILIPSBURG – Den su komunikado di prensa di 14 di yanüari di 2020, Vereniging Bedrijfsleven Curaçao ta duna di komprondé ku un oumento di e *license fee* manera proponé dor di Gobièrnu di Korsou, lo nifiká un devaluashon di florin di Antia Hulandes. Esaki no ta korekto. Oumento di e *license fee* lo pone importashon di produkto i servisio bira mas kostoso, sin embargo, esaki tambe lo ta e kaso si oumentá tarifa di importashon òf tasa di impuesto na frontera.

Un devaluashon ta nifiká un kambio den e tasa di kambio fiho di florin di Antia Hulandes ku dòler di Estádos Unídos, lokual no ta e kaso.

Willemstad, 15 di yanüari di 2020

BANKO SENTRAL DI KÒRSOU I SINT MAARTEN